

LUTRIJA BOSNE I HERCEGOVINE d.o.o.
NADZORNI ODBOR

Na osnovu člana 22. i člana 75. Zakona o igrama na sreću ("Sl. novine FBiH", broj 48/15 i 60/15) i člana 22. Statuta Lutrije Bosne i Hercegovine d.o.o. Sarajevo ("Sl. novine FBiH", broj 95/15), Nadzorni odbor Lutrije Bosne i Hercegovine na sjednici održanoj dana 31.03.2016. godine, donio je

**PRAVILA O IZMJENAMA I DOPUNAMA PRAVILA
IGRE KLAĐENJA NA SPORTSKE REZULTATE
I DRUGE NEIZVJESNE DOGAĐAJE**

Član 1.

U Pravilima igre klađenja na sportske rezultate i druge neizvjesne događaje, br. 01-57-2308-5/15 od 22.12.2015. godine briše se tačka 11. i član 17., te isti glasi:

„11. PRIREĐIVANJE IGARA NA SREĆU PUTEM INTERNETA

Član 17.

Uslovi za učestvovanje u igri klađenja na sportske rezultate i druge neizvjesne događaje putem interneta propisani su Uputstvom o uplati igara na sreću putem interneta.

Uplate za učestvovanje u igri klađenja na sportske rezultate i druge neizvjesne događaje putem interneta primaju se isključivo na internet stranici priređivača, odabirom ponuđenih opcija za odigravanje i potvrdom uplate igre.

Pri uplati igara klađenja na sportske rezultate i druge neizvjesne događaje putem interneta, igraču su na raspolaganju opcije odabira odigravanja jednog ili više listića.

E-potvrda je elektronski zapis potvrde o uplati koja se nalazi na elektronskom računu igrača u centralnom sistemu priređivača. Elektronska potvrda o uplatu (E-potvrda) je isključivi dokaz za učestvovanje u igri onih igrača koji u istoj učestvuju putem interneta. E-potvrda učestvuje u onom kolu igre za koje je njen kompjuterski ispis zapisan na optičkom mediju.

Za uplate putem interneta, igrač mora izvršiti potvrdu željene transakcije.

Jednom izvršena transakcija uplate ne može se poništiti.

Za uplatu primljenu putem interneta:

- isplata svih dobitaka evidentira se na elektronskom računu igrača početkom isplate za pojedini dobitak;
- dobitak se umanjuje za iznos poreza na dobitke prije isplate na elektronski račun ukoliko isti podliježe tom porezu.

Uplate klađenja se primaju kroz interakciju sa informatičkim sistemom priređivača putem Globalne internet mreže (GIN)

Priređivač prima opklade u igrama na sreću putem interneta za sljedeće vrste sportskih natjecanja (u daljnjem tekstu: događaj): nogomet, košarka, rukomet, odbojka, odbojka na pijesku, hokej na ledu, hokej na travi, tenis, stolni tenis, baseball, vaterpolo, plivanje, skijanje i skijaški skokovi, golf, borilački sportovi, atletika, natjecanja s konjima, automobilima, motorima, čamcima, biciklima i druge vrste netradicionalnih sportova (rugby, šah, speedway, snooker, kriket i sl.), Loto izvlačenja, kao i ostale događaje koji pobuđuju interes javnosti, a prema odabiru priređivača.

U slučaju bilo kakve pogreške pri prikazu kladioničke liste, pogreške na elektroničkom listiću ili očite pogreške pri unosu podataka u informatički sistem priređivača, priređivač zadržava pravo poništenja takvih opklada ili prema vlastitoj prosudbi isplatiti takvu opkladu po ispravno obračunatom koeficijentu u skladu sa zvaničnim podacima koji se nalaze u ponudi i u bazi priređivača čak i ako je pogreška uočena nakon završetka događaja. (primjer pogreške: FC Barcelona je izraziti favorit u utakmici protiv ekipe Levante UD i realan koeficijent na pobjedu FC Barcelona jeste oko 1,30. Međutim, pogreškom je u informatički sistem priređivača unesen koeficijent 13,00 na pobjedu FC Barcelona).

Ako priređivač ustanovi da je došlo do pogreške ili zloupotrebe na kladioničkoj listi ili kod uplate ili do znatnih promjena uvjeta odigravanja događaja (npr. izostanak većeg broj bitnih sudionika sportskog ili drugog događaja), priređivač će odbiti uplatu opklada i proglasiti koeficijent 1,00 na već zaprimljene oklade.

Pogreškom na kladioničkoj listi smatra se:

- pogrešan naziv događaja ili sudionika,
- pogrešno unesen koeficijent (npr. 11,5 umjesto 1,15),
- uvrštavanje u ponudu događaja koji se neće odigrati,
- uvrštavanje u listu događaja koji je u međuvremenu odgođen,
- uvrštenje u listu događaja koji je već završen ili je ranije počeo,
- uvrštenje u listu bilo kojeg drugog događaja koji narušava temeljne principe igre na sreću klađenje.

Kod internet klađenja nije moguće izvršiti storniranje uplaćenog tiketa.

Sudionik ima pravo na isplatu dobitka ako je pravilno prognozirao tip svih događaja.

Za opkladu koja je nevažeća obračunava se koeficijent (kvota) 1,00.

U slučaju da su sve opklade na tiketu nevažeće, igrač ima pravo na povrat uplaćenog iznosa vraćanjem uplate na njegov virtualni račun.

U slučaju pogrešne obrade rezultata pojedinih događaja, priređivač zadržava pravo ispraviti rezultate u bilo kojem trenutku.

Ako rezultat određenog događaja ne može biti potvrđen, priređivač zadržava pravo odgoditi prikazivanje rezultata i proglasiti dobitne tikete na kojima se nalaze ti događaji sve do službene potvrde rezultata od strane priređivača.

Priređivač ne odgovara za bilo koji gubitak ili štetu nastalu igraču uslijed kvara sistema komunikacije ili opreme koji je izvan razumnog nadzora priređivača, a čija pogreška ili šteta nije nastala krivnjom priređivača.

Priređivač ne garantira stalnu dostupnost i funkcionalnost svojih proizvoda te nije odgovoran za eventualnu štetu, gubitke ili izgubljeni profit zbog nedostupnosti proizvoda koje nudi priređivač.”

Član 18. briše se tako da glasi:

“ Igrač može odustati od izvršene uplate (stornirati, poništiti) najkasnije u roku od 5 minuta od trenutka zaprimanja uplate na uplatnom mjestu (datum i vremena zapisanog na potvrdi o uplati), pod uslovom da nije isteklo vrijeme označeno za početak događaja na potvrdi o uplati.

Iznimno kod klađenja uživo klađenje je zaključeno ispisom potvrde i igrač je ne može mijenjati ili otkazati (NE POSTOJI MOGUĆNOST STORNIRANJA).

Obavijest igračima o uslovima i vremenu u kojem mogu odustati od izvršene uplate mora biti istaknuta na vidnom mjestu na svim uplatnim mjestima priređivača.“

Član 21. briše se tako da glasi:

Potvrda o uplati sadrži slijedeće podatke:

a) Potvrda o uplati za pojedinačno ili kombinovano klađenje sadrži:

- Logo priređivača
- Naziv i adresa priređivača, JIB društva, te adresu uplatnog mjesta
- Naziv igre (npr. Sportsko klađenje ili Loto klađenje)
- Potvrda o uplati
- ID tiketa
- Datum i vrijeme kada je uplata izvršena
- broj i oznaku confirmacijskog koda listića (tzv. "PU GUID")
- šifra, opis igranih događaja i koeficijent svakog događaja (kod Loto klađenja: šifra događaja, vrijeme izvlačenja, naziv događaja, odigrani brojevi),
- ukupni iznos uplate,
- iznos obustavljene naknade
- ulog,
- mogući bonus (ukoliko je zadovoljen uslov),
- ukupni koeficijent,
- iznos poreza na dohodak od igara na sreću (za dobitke koji su oporezivi u skladu sa posebnim propisima)
- eventualni dobitak u slučaju pogođenih opklada,
- barkod tiketa,
- internet adresa priređivača.

b) Potvrda o uplati za pojedinačno ili kombinovano klađenje sadrži:

- Logo priređivača
- Naziv i adresa priređivača, JIB društva, te adresu uplatnog mjesta
- Naziv igre (npr. Sportsko klađenje ili Loto klađenje)
- Potvrda o uplati
- ID tiketa
- Datum i vrijeme kada je uplata izvršena
- broj i oznaku confirmacijskog koda listića (tzv. "PU GUID")
- broj kombinacija sistema,
- naziv sistema,
- šifra, opis igranih događaja i koeficijent svakog događaja (kod Loto klađenja: šifra događaja, vrijeme izvlačenja, naziv događaja, odigrani brojevi),
- ukupni iznos uplate,
- iznos obustavljene naknade
- ulog,
- mogući bonus (ukoliko je zadovoljen uslov),
- ukupni koeficijent,
- raspored minimalnih i maksimalnih dobitaka po kombinacijama
- iznos poreza na dohodak od igara na sreću (za dobitke koji su oporezivi u skladu sa posebnim propisima)
- eventualni dobitak u slučaju pogođenih opklada,
- barkod tiketa,
- internet adresa priređivača.

Potvrda o uplati je isključivi dokaz sudjelovanja u klađenju prilikom uplate na uplatnom mjestu, te mora sadržavati sve navedene podatke.

Potvrde o uplati koje nemaju podatke iz prethodnog stava su nevažeće.

Ako postoje neslaganja između potvrde i zapisa u centralnom sistemu priređivača, u obzir se uzima zapis u centralnom sistemu priređivača.“

Član 2.

Ove izmjene i dopune pravila primjenjuju se narednog dana od dana objavljivanja u jednoj od dnevnih novina.

Broj: 01-62-717-12/16
Dana: 31.03.2016. godine

P R E D S J E D N I K

Miroslav Ćorić, s.r.